

23 Juin 1665

92

ARREST

DE LA COUR DE PARLEMENT,

Portant defences de publier, recevoir, enuoyer, ou executer aucun Bref & Bulle de Cour de Rome, sans Lettres patentes du Roy, & à tous Libraires d'en imprimer, vendre, & debiter aucunes sans permission du Roy, ou des Magistrats.

Du vingt-troisième Juin 1665.



A PARIS;
Par les Imprimeurs & Libraires ordinaires du Roy.

M. DC. LXV.

Avec Privilège de sa Majesté.



Extraict des Registres de Parlement.

CE iour les Gens du Roy, Maistre Denis Talon Ad-
uocat dudit Seigneur portant la parolle, ont dit
à la Cour qu'ils furent mandez ce iourd'hier par
Monsieur le Chancelier, lequel leur mit en main vn exem-
plaire imprimé par le nommé Muguet, en forme de pla-
card de la derniere Bulle du Pape & du Formulaire, avec
la mesme certification du sieur Archeuesque de Tarse
Nonce du Pape, que celle dont la Cour auoit ordonné la
suppression par l'Arrest du sixiesme May dernier: & l'O-
riginal d'une Lettre adressée par ledit Nonce aux Ar-
cheuesques de France, par laquelle il leur mandoit qu'il
leur enuoye copie de ladite Bulle, & dudit Formulaire,
& les prie d'en distribuer à tous les Euesques & leurs Suf-
fragans pour les faire souscrire par tous les Ecclesiastiques
de leur Diocese; Que l'abus & la nouveauté de cette en-
treprise ne se peut dissimuler: Que le Roy ayant donné les
ordres necessaires pour l'execution & la publication de
cette Bulle, il est important de ne point souffrir l'vsurpa-
tion que veut faire le Nonce, qui n'est Ambassadeur du
Pape que comme Prince Temporel, en prenant cette
qualité tout à fait insolite & extraordinaire, *apud Chri-
stianissimum Regem Francorum & Galliarum regna Nuntius,*
& s'attribuant vne espee de iurisdiction, & de Tribu-
nal contre les Loix du Royaume: Et qu'il est d'autant plus

necessaire de reprimer cét attétat; que les Ministres de la Cour de Rome ne laissent échapper aucune occasion d'estendre leur puissance par des voyes indirectes: Que de toutes les desmarches, ils en tirent des arguments & des consequences, lors qu'elles sont tolerées, & qu'ils ne se lassent iamais de tenter les mesmes choses qui ont esté diuerfes fois condamnées: Que l'on ne doit pas moins tesmoigner de zele & de vigueur à se deffendre de leurs entreprises, qu'ils ont d'assiduité & de perseuerance à les continuer; et que cette auguste Compagnie establie pour deffendre l'autorité du Roy & les droits de sa Couronne ne scauroit rien faire de plus illustre ny de plus glorieux, que des'opposer aux progrès de cette nouueauté, si contraire aux Libertez de l'Eglise Gallicane, & d'empescher que l'on reduise insensiblement la France dans la condition des païs d'obediance, en permettant que les Nonces se mettent en possession d'vne iurisdiction pareille à celle qu'ils exercent & en Espagne & en Italie, & nous soufmettent à vn ioug que nos ancestres ont courageusement rejeté, & à vne seruitude qui choque esgallement & la Police de l'Eglise, & les ordres de l'Estat: Requeroient y estre pourueu; & deffences estre faites à tous les Archeuesques & Euesques, de receuoir aucune Bulle que par les Ordres du Roy, & de les faire executer, sinon en vertu de Lettres Parentes verifiées en la Cour; **ORDONNE'** que tous les exemplaires de ladite Bulle, & les lettres escrites pour l'execution d'icelles, par ledit Nonce du Pape, seront apportées & enuoyées au Greffe de la Cour, pour estre supprimées, le procès encommencé contre le nommé Muguet Imprimeur paracheué, & fait droit sur les Conclusions

Che
Wing
folio
02
144
.A1
v.2
no. 18

THE NEWBERRY LIBRARY

5
par eux prises audit procès: Au surplus l'Arrest du 6. May
dernier executé, lequel seroit de nouveau leu & publié
& affiché; Et s'estant retirez, la matiere mise en delibera-
tion; LADITE COUR a fait inhibitions & deffenses à
tous Archeuesques & Euesques de receuoir aucunes Bul-
les que par les Ordres du Roy, de les faire publier ny
executer sans les Declarations du Roy expediees pour la-
dite Publication, & verifiées en la Cour; Ordonne que
tous les Exemplaires de ladite Bulle & les Lettres escrites
par ledit Nonce du Pape seront suprimées, & à cette fin
apportées ou enuoyées au Greffe de la Cour; Ordonne que
le procès commencé cōtre le nommé Muguet Imprimeur
de ladite Bulle sera paracheué, au surplus l'Arrest du 6. May
dernier executé; Fait iteratiues deffences d'y contreuenir.
Ordonne que ledit Arrest sera de nouveau leu & publié
auec le present Arrest, lesquels seront affichez partout où
besoin sera, & copies collationnées enuoyées aux Bailla-
ges & Seneschaussees, pour y estre pareillement leu, pu-
blié & enregistré. FAIT en Parlement le 23. Iuin 1665.
Signé, DV TILLET.

Collationné à l'Original par moy Conseiller
Secretaire du Roy, Maison Couronne de
France & de ses Finances.